

Pöytäkirja lat. seient.



905177

kat.komp.

Mag. St. Dr.

II

1059,

Noro-Talci.
Lisä

Fechneri Johi Cactus sive Stylium



CATTUS,
sive
 IDYLLIUM
 Honori meritissimo
Per antiquæ, Prænobilis & Generosæ
 Familiæ Zedlicio-
 rum, Neukirchianâ
 potissimum domo ortorum,
 consecratum.

M. JOHANNES FECHNERO,
 Gymnasii Vratisl. Magdalenæi
 RECTORE,

VRATISLAVIÆ,
 Typis BAUMANNIANIS,
 exprimebat JOHANNES CHRISTOPH. JACOB.
 A.C. M DC LXIV.



Præloquium.

Not inter Ordinis Equestris familias, quæ olim ex Germaniâ in Silesiam nostram, cum illa jam paganica superstitione explosa, Sacramentum Christo dixisset, tralatis commigrarunt laribus, per aliquot secula floruit perantiqua, prænobilis & verè generosa gens Zedliciorum. Hæc traduces generis oppidò fertiles longè latèq; diffundens, universam Patriam locupletissimâ meritorum fruge mactavit. Non enim progeniuit diffibulatos Fesonia cultores, sed strenuos Martis pullos, quos mens erecta ad illustria bellica fortitudinis facinora accinxit. Certe si solos diversorum Ordinum Equites, quos protulit, numeres, confertissimam complebis cohortem: ceteri verò sago clari bellatores faciliè integram conscient Legionem. Sed illi, quod in præcipua laudis parte ponendum, à civilibus abhorrentes bellis, pro aris & focus fortissimè pugnarunt, & martialium factorum claritudine gloriam Horatorum Deciorumq; quos Roma tanto jactitat opere, prorsus aquarunt. Quid jam memorem togatos proceres, & Principum, Regum, Imperatorum Consiliarios, Cancellarios, Cubicularios, Provinciarum Præfectos, Judiciorum regionum adessores aliosq; præcipua dignationis viros, quos in salutem Reip. & Patriæ communis produxit Zedliciana propago? Non est opus, ut veterum annalium excutiamus memoriam: vel nostro, certè parentum ævo, intrâ paucorum annorum spatium ex hac gente lecti sunt, præter Camera Regia Præsidentem quatuor Silesia Ducatum amplissimorum Capitanei, ita ut tunc vulgò dictum sit, Silesiam ab unâ gubernari familiâ. Hoc factum imperante D. Rudolpho II qui in publico quodam Rescripto A. C. 1589. fidem & Virtutem Zedliciorum commendare nullius

nullus dubitavit. Na illi, qui hac omnia condignâ celebrare Camxna aggressus fuerit, decurrendum erit per spaciosum illum praconiorum Campum,

Per quem magnus equos Andini flexit alumnus.

Non exilis vena & avena poëtam ista laudum Panegyris efflagiat. Nilominus tentavi ego laurum Zedlicianam tenui adspargere libamine, quod mihi suffecit Cattus amnis Silesia notissimus, cujus undis olim fui innutritus, cujus in ripâ nostra lusitavit pueritia. Ad hoc excitavit me non thyrsus vana arrogantia, non spes lucelli alicujus, quod importuni dedicatores captare solent; sed pertinax memoria beneficiorum, quibus familia laudata primicerii parentem meum, M. Martinum Fechnerum, Ecclesia in Neukirch ad Cattum quondam pastorem, assatim cumularunt. Hac ipse gratâ recoleus mente, collectanea quadam ex archivis & MSis authenticis, qua ipsi patroni suppeditaverant, sedulo congesserat, in quibus adnotaverat, qua de origine, progressu, rebus gestis meritisq; Zedliciorum pasim consignata invenerat, eaq; in ordinem digesta editurus fuisset: sed tempestate bellicâ maxima illorum pars rapacidarum militarium manibus fuit distracta, direpta, lacerata. Veruntamen relicta fuerunt lipsana quadam & fragmenta, e quibus, ut & monumentis quibusdam publicis, concinnavi Idyllium pingue, & quod rus manifestò olet: in eo induco Cattum personatum Praconem Zedliciorum, praesertim Neukirchij domo per vetustâ ortorum, imitatus, quantum pote, Lotichium, apud quem Nicer fluvius Palatinos recenset Principes. Ut autem poëmatio per se obscuro aliquam inferrem lucem, adjeci indicem Nominum, sed sine titulorum accessione. Nam veluti quondam satis erat monstrasse Catonem: ita Zedlicos nominasse sufficit, ut quos non parentum pradia, sed merita in patriam posteritati commendant.



Urea lucigero Matuta fugaverat ortu
Noctem solq; novo spargebat lumine terras,
Cum Cattus vitreo liquidum caput extulit amne,
Naïadum genitor Cattus, qui jugis aqua vim

Cypridos è gremio molli derivat, & almo
Flumine Sudetum radices lambit opimas.
Nec mora : Fæcundæ salicis diffusus in umbrâ,
Rus Neukirchiacum, Lygiis quod summo vet agris
Umbo Vulturni celsus, respexit amico
Lumine, jamq; memor fortis famæq; prioris
Ingemuit : Gemuere simul per prata Napææ,
Argutumq; nemus suspiria traxit, & ipsæ
Confortem visæ rupes sentire dolorem.
Tandem sollicito depromsit pectore tales
Jussit & auritas pinus ediscere Voces :

Nymphæ, lucorum dominæ montisq; propinqui,
Herciniæ viridi qui claudit limite saltum;
Et colles Satyris pariter Cereriq; benignæ
Grati, qui longo præcingitis ordine tractum.
Vicinum & ripas nostras & prædia ripis
Adstita; vos humili jam-nunc è valle saluto
Suspicioq; lubens : Nam vos mea gaudia soli,
Soli deliciæ, postquam me volvere fata
Tot voluere vices, tot cernere damna meorum.
Heu qualis jam sum, quantum mutatus ab illo
Catto, lucentes auri qui trivit arenas,
Fossorum cum turba frequens hoc litrus obiret,
Vestigans sub rupe cavâ pretiosa bonorum !

Aurca

Aurea tunc ætas venâ mihi divite fluxit,
Tunc vel Pactoli potui certare fluento,
Et superare Tagum. Testis, tu Chrysoi, Catto,
Ac vos excisi montes cryptæq; profunda,
Quæ monstratis adhuc cæci vestigia Pluti.
Hic excusit opes antiqua Silesia Vestæ
E gremio, turpi ditescere nescia lucro.
O quæstus majorum insons! ô pura Cupido!
Tu patriæ contenta bonis non Herculis ultra,
Improba cum velis tendebas vota columnas,
Posteritas quod avara facit, quæ currit ad Indos
Extremos, alioq; petit sub sole calentes
Terras, unde domum properante celoce reportet,
Quod luxus populator opum malè dissipet, aurum.
Vah! quid opus peregrè molimine quærere tanto
Divitias? Quid opus Pervano arcessere ab orbe,
Sors offert quod amica domi? Quod quæritis, hîc est,
Hîc est ante pedes. Corylo tentate bifurcâ
Florentes mineras: Acres adhibete bidentes,
Præruptiq; latus montis perfringite, cives:
Grande operæ pretium, Catto spondente, feretis.
Auri vim tantam prægnans hîc condit Oréas,
Quantam in Pannoniis vix est reperire fodinis.
Nil equidem fingo magno promissor hiatu,
Non crepo Persarum montes, non gryphis opimos
Raptoris nidos: Pro me res ipsa loquetur.
Explore modò. Sed enim quid tundimus aures
Questibus occlusas? Narratur fabula surdis,

Et voces frustrâ fufas vaga diffipat aura.
Nemo requirit opes antiquas, æftimat aurum.
Abftrufum nemo. Latet affiduumq; latebit
Gazæ crena potens, & quem traducit inane
Nomen, inops auri dudum mons aureus aret,
Ac pariter fons alget opum. Jam pauper aquarum
Cattus ego & tenuis rivus vix præbeo lymphas
Squamigeræ pecudi: Solas has nempè reliquit
Sors mihi divitias. Humilis jam ferpo jacentes
Per valles, quondam quo non jaftantior amnis
Ibat in occurfum Viadri, cui cedere foli
Vifus eram: Tanto me vulgus honore colebat.

Scilicet Aonidum mixtus vocalibus undis,
Quas hîc elicit mihi Trocendorfius acer
Formator pubis teneræ, nil vile ftrepbam,
Et latè loca complebam rumore fecundo
Disfita. Mufarum tunc noftra frequente choreâ
Littora fervebant, & damna priora levabant
Carmina, quæ fylvis Echo recitabat opacis.
Heu nihil invitis fas quemquam fidere fatis!
Hæc etiam miſero folatia rapta fuerunt
Catto. Ceſſerunt ſterili de rupe Camænæ,
Sedibus in vacuis porrò durare gravatæ.
Stat montis ſine honore jugum venerabile pridem
Elyfiæ populis, ingrata ſilentia ſecum,
Rodit inops vallis. Nil his audire licebit
In dumis præter miſerabile carmen Amyntæ
Paſtoris, vacuâ quod iners diſperdit avenâ,

ſtrepere

Ipfæ

Ipse ego, qui castos derivo è fonte liquores,
Turbidus ecce ruo, lacrymis torrentibus auctus
Nympharum. Hinc ripas escendo subinde virentes,
Et sata per, per & arva feror, sternoq; labores
Agricolæ tauri, sortem indignatus iniquam.
Ecquis erit finis tandem, quæ pausa dolorum,
Quos crebrò cumulat clades mihi clade recenti?

Nam ne quid summæ desit fortasse malorum,
Hoc etiam accesit nuper, mutare priores
Quod cogor dominos, & in altera cedere jura.
Nunc ubi Zedlicidæ, mea maxima gloria, prisci,
Antiquas quorum sedes tot secula lustro?
Abstulit hos etiam mihi sors, mors abstulit atra,
Hoc est quod tremulæ ploratis jugiter alni,
Quod mihi ferali Vulturus nomine signat,
Infelix augur, qui Venatorius olim
Dicebatur avis, studium quibus acre Dianæ
Curæ erat & saltûs indagine cingere gnavâ.
Hæc demum jactura premit: Toleranda fuisti
Hæc-fortuna-tenus: Nunc vindice differor æstu
Irarum, ac toties patientia læsa furorem.
Concipit. Ultrices immittam protinus undas
In campos, diroq; teram pede proxima quævis.
Ah frustrâ sævis, fatis obistere frustrâ
Audes, amnis inops / Non tanges fluctibus astra,
Pone iras animosq; truces, preme cornua. Miri
Quid Cereri nocuisse juvat? Tua destruis ipse
Dona & reliquias dulces. Periisse putemus,

Quod

Quod periit: Melior spes conservabit egenos.

Res habeat fortuna suas, quas tollere casus

Adversi possunt: Nobis intacta reliquit

Munera, quæ vicibus non sunt subiecta malignis.

Restat fama vetus, restat memorabile nomen.

Catto quod dudum clari peperere coloni.

Hoc cata Mnemosyne celso transcripsit Olympo.

Ut me fulgentem propter radiatile flumen

Eridani quondam veneretur turba nepotum.

Eximiis magni tollunt se laudibus amnes,

Ac meritò tollunt. Reclini Vistula dorso

Sarmaticus fruges peregrinas portat in oras,

Mercurio pariter favet Aonifinque benignus

Albis cum Viadro molli, nutricibus undis

Dulciferum Bacchi laticem sustentat amœnus

Rhenus, belligeras gentes pater educat Ister.

His ego tantillus nil cedo grandis honore

Diffuso meriti, quo maesto Slesida totam.

Heroos aluisse viros patriæque Dynastas,

Cætera si defint bona, laus est propria Catti.

Jam Lygios Proceres genus alto à sanguine Regum.

Consciis exilis mihi venæ, dicere nolo:

Laudent hos alii, majus quos flumen inundat.

Zedlicios sumam saltim memorare vetustos,

Zedlicios, quondam loca qui ditione regebant

Proxima, fecundâ meritorum fruge celebres.

Sed cum non liceat pleno deducere rivo

Tot laudes claræ, tot facta illustria gentis,

Paucula

Paucula de multis raptim libabo, vicemq;
Indicis expediens, recitabo nomina tantum,
Et curto sermone sequar vestigia rerum.

Nota jacet regio generosis adlita Francis,
Heroum præclara parens, quam spectat ab Arcto
Tyrigetum nemus, at Bojemis dividit arvis
Herciniæ saltus: Veteres coluere Varisci,
Teutonis acre genus, cui semper prælia cordi.
Illic Zedlicidum memorandus profator ortus
Nobilibus proavis Titius (a) migravit in oras
Nostras, quæ pago jam tum statuisq; Deorum
Fictilium spretis Christi sacra ritè colebant,
Hic ubi Neukirchl structum est venerabile templum,
Proxima tunc late-dominus loca Tschirnius heros
Possedit, cui nata fuit florentibus annis,
Quam multi indigenæ, multi ambivêre Poloni,
Sed nulli indigenæ, nulli obtinuerè Poloni
Sponsam: Tanta fuit teneræ fiducia formæ.
Zedlicides solus placet acceptissimus hospes:
Hic gener, hic Conjux legitur: Sic fata ferebant.
O quos tunc plausus audisses compita circum
Edere pellitos pastores, tibia festo
Dum strepitu lætis meditatur carmina Sponsis!
His exultanti respondit Nais ab amne;
O Hymen Hymenæe, Hymen Hymenæe, frequentans.
Lætitiâ insolitâ tunc ripa fremebat ovantum
Arvaq; ridebant, quæ floris honore recenti
Chloris adornârat sortis præsaga futuræ.

Singula quid refero, Tellus gaudebat, & aura
Candidior thalami dedit argumenta feracis.
Ipsa Venus cœlo descendit & omine dextro
Fulcrâ thori tangens genialis; Crescite, dixit,
Crescite felices nupti, vestramq; novenâ
(Sic vobis spondet Superum clementia mitis)
Prole replete domum, quam triplex triga sororum
Pieridum mundo celebrabit laude frequenti.
Dicta fides sequitur: Partu fœcunda noveno
Ter tres Zedlicio peperisti, Tschirnia, natos,
Mascula fulcrâ domûs, & honoræ germina gentis.

Effabor citius quot truttas nutriat amnis
Noster, quot salices lentâ me fronde coronent;
Quam numerare queam seriem turmasq; Nepotum
Ingentis Titii: Sic ille propagine fausta
Agros per varios diffudit nobile stemma,
Multifidos tendens ramos per Slesida terram.

Pars valles coluit patrias, pars dis sita quærens
Æquora camporum, sedes invenit amicas,
Fertilis ac veluti tradux genetricis ubiq;
Ingenium retinens vitis, turgente racemo
Fruges carpendas cultori præbet alumno:
Sic quoq; Zedlicii proles generosa tenaci
Virtutis studio proavitæ laudis honores
Extulit & patriam replevit fruge salubri.

Non succreverunt hac ab radice stolones
Pestiferi, non discincti luxuq; fluentes,
Nartæ degeneris qui vivunt more, nepotes.

Alrè

Altè succinctos Decios dedit illa Titosq; ,
Quos belli studiis castrensis fibula balthei
Obstrinxit, promptos charam victricibus armis
Tutari Patriam & regnis præstare salutem.
Non in proclivi est longâ deducere virgâ
Tot Martis pullos hastatorumq; catervas,
Unica quas domus hæc externum armavit in hostem.

Parcite tercentum Fabios jactare Quirites,
Ad Cremeram strages quos abstulit aspera cæsos,
Plures Zedlicii quondam emisere sagatos,
Lethiferis ausos capita objectare periclis,
Ut patriæ incolumnes aræq; fociq; vigerent.
Si solos equites (b) Regum, Christi q; dicatos
Militiæ numeres, possis complere cohortem.
Legitimam : reliquo legionem è corpore sumes.
O verè segetem clypeatam semine Martis
Enatam ! Credas jam fæto dente draconis
Armatas acies, Cadmo mirante, creatas.
Sed non in patriæ, non fratrum viscera ferrum
Zedlicidum convertit agon Bellonaq; pugnax.
In Mahometicolas diros infestaq; Christo
Agmina Soteri fortes strinxere machæras,
Aut labarum crucis, aut aquilæ vexilla secuti.
— Tu testis locuples Ister, qui cæsa Getarum
Corpora demergis, multum indignantibus undis.
— Pulchrum est victricem per vulnera quærere palmam ;
Pulcrius at multò studiis excellere pacis
Tranquillæ : Beat hæc urbes cumulatq; benignis

Divitiis agros. Qui consulit arte rogatâ
Communis patriæ rebus stabilitq; quietem.,
Chaoniâ plures meruit de fronde coronas;
Multos nam cives curâ servavit alacri.
Tales Zedlicio prognatos semine Consos
Slesia non nescis, olim munita salubri
Præsidio Procerum, tibi quos Neukirchia, marer
Fertilis heroum, felici protulit ortu.
Jam parochos mitto sacros, mystasq; stolatos,
Religio templis quos prisca dicavit & aris.
Nam sit erit Regum dixisse Ducumq; ministros.

Horum agmen ducit crescentis gloria stirpis
Summa, Petermannus (c) quem Bolco ter-inclyrus heros
Et patriæ pater augustam pertraxit in aulam.,
Ut res consilio solerte juvaret agendas.
O quantum debes huic, Slesia culta, Catoni!
Barbarie excusâ tunc undiq; Teutona pubes
In nostros confluxit agros, tunc mœnibus urbes
Cinctæ turritis, tunc Gargara fæta bonorum.
Promittebat ager dumis prius oblitus hirtis.
Elysios passim potuisses cernere campos,
Omnigeno rerum proventu opibusq; beatos:
Ipsi jam rivi fœcundo lacte fluebant.,
Ac duræ rupes stillabant roscida mella.
Ista Boleslaus nobis bona contulit almus,
Zedlicii monitis faciles dum præbuit aures.

Inde Sigismundus (d) gratisimus accola nostri
Amnis adest, digno semper memorandus honore.

Hic

Hic adolēscētes ducens non segniter annos,
Ausoniæ lustravit opes, rediensq; per Alpes
Excelsas magni Constantis venit in urbem,
Ac Hufsum vidit Synodo damnante cremari.
Hinc sese patriæ reddit placidæq; quieti,
Quam pius exegit pleni ultrâ tempora secli.

Hoc est patre latus felice Georgius (e) astro,
Cui mite ingenium, cui prisco concolor ævo
Candor & integritas, a vis isto tempore corvo
Rara magis niveo, pepererunt nobile nomen.
Ac tulit ille quidem sinceræ præmia vitæ:
Dives agri, dives pecorum, charusq; Dynastis
Secli ultrâ spatium vixit, florente senectâ.

Sed quod præcipuâ fortunæ in parte secundæ
Ponendum fuerit, fæcundi pignora lecti
Per multa è binâ suscepit conjuge, plastes
Fertilis heroum & prosper Laris instaurator.

Nolo gregem densum natarum, nolo nepotes
Ex illis ortos serie producere longâ.

Mascula progenies, proavitæ destina laudis,
Extollenda venit. Putri hæc inimica Vacunæ
Non potuit latitare domi: Sed ut edita celso
Colle pharos, lumen diversas fudit in oras.

Non tua rulicolis dominos, venerande Georgi,
Sed Dominis rerum fortes magnosq; ministros
Eduxit generosa domus. Quot sidera valle
Hæc emerferunt! Quot Castoras edidit almo
Egremio mater Neukirchia! Prodiit inde

Grande decus generis, patriiq; Georgius (f) hæres
Nominis, Augusto quo non dilectior alter
Fernando, nam promptam hominis spectabat abundè
Militiæq; domiq; fidem. Sed Principis aulam
Monsterbergiaci regali sanguine nati
Direxit Caspar (g) gemino perfunctus honore,
Hos aule proceres inter fortuna locavit :
At reliquos fratres externis alea Martis
Addixit bellis procul à regione paternâ.
Scilicet horrebant civili sanguine puras
Commaculare manûs. Hunc auster vidit & Ister
Turcas in sævos validum exertare lacertum :
Illum Corus atrox Codani trans æquoris undas
Abripuit cupidum Svecis pugnare Gothisq; :
Istum diversum traxit vagus Africus oras
In Venetas, Juliq; forum camposq; Liburnos,
Excellentem equites inter peditumq; cohortes,
Quas si non rexit, potuit rexisse videri.
Rexisti certè tu Wenceslae (h) Magister
Turmæ Cæsareæ. Testis tibi Stiria, testis
Illyricum latus, Hadriacas quod prospicit undas.
Tandem te castrense sagum deponere fata
Prospera jusserunt & splendida pacis obire
Munia, quæ Lygius tibi Dux injungit & ipse
Cæsar apex rerum, qui te cognoverat aptum
Militiæ pacisq; decus sociale tueri.
Magnus eras meritis, & magno nomine magnus,
Magnus quod natus (i) titulis majoribus auxit.

Nem-

Nempè hic ille fuit Lygiæ stator inclytus aula,

Qui tutatus opes Populiq; Ducumq; fideli

Præsidio, rerum gnarus Legumq; sacrarum.

Ranzovium nolint Dani jactare superbi,

Regis tutorem pueri: Nil cedere visus

Illi Zedlicius, gemino pro Principe terræ

Qui Lygiæ rexit summâ cum laude gubernâ.

Alit uti rex avium similem virtute volucrum

Gignit, & ut falco, falconis prodit ab ovo:

Sic quoq; par patrio natus successit honori

Christophorus, (l) Themis & melior quem Pallas ama- (vit.

Novit Lignitium, novit cum Principe grata.

Nobilitas studiumq; viri curasq; sagaces,

Sedulus in Patriæ quas contulit ille salutem.

Cessit ab orbe quidem, non cessit corde bonorum.

Ememori, Sed quid repeto nova notaq; cunctis

Civibus? Ad veteres redeo natosq; Georgi.

Huic par Ingenio comi, doctiq; Sebastus (m)

Orl sectator studiis in mitibus ævum.

Pieridumq; morâ transmisit, cultus ob isthoc

Ad doctis hominum, coluit quos ille vicissim.

Succedit minimus natus, sed maximus acri

Mente Sigismundus (n) qui fulsit in agmine fratrum,

Illultri, sicut Zonâ præcinctus Orion.

Inter stellantis radiantia sidera Cœli.

Hic ego quid primum dicam? quo fine quiescam?

Area tanta patet laudis, qua floruit ille

Nobilitatis apex: Raro qui fœdere junxit

Ire-

Irenen Marti placidam: Nam promptus eadem,
Dextrâ Bellonæ pilum graphiumq; Themistos
Tractavit. Quid non robustæ in vere Juventæ
Audiit aut vidit castris adſvetus & aulis?
Novit eum toties Belgarum ſanguine mixtus
Scaldis & Hispanæ luſtrator Iberus arenæ,
Ac Gaditanus Nereus, qui perluit oras
Europæ extremas. Hinc illa peritia rerum,
Hauſta foris, depromta domi, perſpecta Rudolpho
Divo, quem penes Imperii tunc ſumma potestas,
Providus ille Virum cumulo maſtavit honorum,
Muneribus functum magnis, magnisq; celebrem.
In patriam meritis, cujus res ſoſpitem curâ
Communes rexit. Fluvios velut ornat amanos
Populus attollens cœlo ſublime cacumen:
Sic fuit ille, ſuis lumenq; decusq; Sileſis
Et generi claro. Poſtquam mihi fata tulerunt
Hoc rerum columen, conſeſtim vallibus hiſce
Diſceſſit ſæcunda quies & copia Cornu
Quæ pleno fundebat opes. Sterileſcere circum
Viſus ager, lappis & ſentibus obſitus hirtis.
Nec tanto potuere Patri ſuccedere nati,
Sedibus excuſſi proavitis triſteq; paſſi
Ludibrium ſortis. Sed quidam lætius alma
Fortunæ ſenſere foris ſibi creſcere grana,
Quæ periëre domi. Genuiſti, Carole, prolem, (o)
Cui ſua Marchiacum commiſit ſceptra Lycœum.
Hoc meritis illuſtris avi tribuere Camanæ,

Cujus

Cujus honor crevit redivivus honore nepotis.
Cerne vices rerum: Numerosâ è stirpe Georgi
Ac Sigismundi suboles tantum unica (p) restat,
In quam tota domus cum Laude recumbit avitâ.

Sustentabat opes nostras Martisq; furentis
Reliquias, quantum poterat, Conradus (q) agendis
Pacis quam belli rebus magis aptus. Atille
Prole carens aliis hæc rura colenda reliquit.

Sorseadem quoq; te stravit Lehnhusia mater.
Ardua Zedlicidum: Nam priscis orba Dynastis
Ostentas Laris antiqui, castriq; ruinas,
Non famæ: Manet hæc, manet inconcussa tubâq;
Clarisonâ canit indigenas, quos fovit Oreas
Illa tua, aut Chloris cultrix generosa benignæ
Vallis, quam sulcat lymphâ labente Bohebrus,
Heroas mentes solitus nutrire Bohebrus.

Hic tibi Cunrados poterit recitare vetustos,
Hic tibi Zedlicidum poterit monstrare tropæa,
Christophori (r) imprimis, qui nobile militis instat.
Præstitit invicti, Getico mirante tyranno
Pugnantis vires & pectora nescia frangi.
Quod tibi Roma fuit Cocles, quod Mutius audax,
Hoc Christi populo fuit obsesseq; Viennæ
Christophorus laurus æternæ stemmate fulgens.

Sed nunc ad nostras ambage revêrtor omisâ
Oras, quâ cingit pulcro me Schöna recessu.
Hunc etiam Titii quondam coluere nepotes,
Quorum pars numerosa mei procescit ad annis

Fontes & Catti dictum de nomine pagum,
Quem Nimmerlati castellum nobile Jonæ (s)
Zedlicii prospectat opus de rupe reclini.
Calciferi montis surgentes culmine pinus
Qui numerare valet, densum numerabit & agmen.
Zedlicidum, nostris quos enutrivimus undis.
Hinc & in Elysiæ varias amisimus oras.
Seu libeat montana tibi lustrare vireta,
Seu mage camporum percurrere plana, Sabothi
Quos speciosus apex dirimit Sudetibus altis,
Seu placeat Wolæ nemorosos visere tractus,
Seu, Viader quos ambit agros regnator aquarum,
Invenies passim natali hac sede colonos
Missos, & tantæ vestigia plurima gentis.

Exigui renuit concludi finibus agri
Virtus multifidum lumen sparsura per orbem.
Imperitent villæ, quos nil nisi villa parentum
Nobilitat, pagi q; opicis dent jura colonis :
Zedlicii à patrum progressi longius arvis
Summorum gessere vices Regumq; Ducumq; ,
Communem patriæ sive curare salutem,
Cæsaris auspiciis magni rexere Ducatûs
Magnos, Brandanus (t) Musisq; Rudolphus amatus
Guttalidumq; choro (u). Jam cætera sidera gentis
Quæ (x) Ladislaus splendente coronide cingit,
Prætereo lassus recitando nomina famæ
Tradita perpetuæ. Nam si perrexero totum
Zedlicidum in meritas rivum diffundere laudes,

Exhausto mihi deficiet vis labilis undæ.
 Quod super est memorent vates, quos Phocis inundat
 Entheca: Quod populis decantent, semper habebunt,
 Invenient semper famæ sacrandæ recenti.

Nam neq; sic penitus stirps ab radice revulsa
 Marcuit, ut nullo revirescat germine. Restant,
 Restant, qui genus antiquum laudesq; propagant
 Majorum virtute novâ meritisq; benignis.
 Horum ope, Dodonâ quod dico verior augur,
 Vivet Zedlicium nomen per secula, vivet
 Dum cœlum stellas, undas dum flumina volvent.

* * *

Recensio Nominum præci- puorum.

Qlli Stemma Zedlicium ab radice & origine primâ evolutum cognosce-
 re avert, illi excurrendum erit ad externos. Cum Wenceslao Bohemo
 Hinc & Georgius Zedlicii ludis martialibus ab Imp. Henrico Aucu-
 pe Magdeburgi, A. 938 celebratis inter fuisse memorantur. In Polonia v. emi-
 nuit Henricus Zedlicius, qui Mieslao Seniori, Polonia Principi A. 1173. in ad-
 ministrando Regno insignem præstitit fidem: omnia enim aula consilia guber-
 nasse scribitur. Poterant alii ad partes adduci: Sed Catus noster personatus,
 gyro brevi contentus, notos tantum & in Silesia natos habuit recensere, ut ex se-
 quenti liquet Elencho.

- (a) Profator gentis Zedlicie hisce in regionibus fuit Titius à Zedlitz, Nobilis
 Parisius, qui cum in Silesiam ad fidem Christi paulo ante conversam com-
 migrasset, duxit uxorem Justam vel Juditham, Witigii à Tschirn filiam
 unicam, ex quâ suscepit novem filios, quorum hæc memorantur nomina:
 Johannes, cognomento Wogestein Dn. in Cunradswaldaw / Titius in
 Schönaw / Opitius in Mewalde / Pancratius in Schönaw / Sigfridus

in Rauffnug/ Bernhardus in Könersdorf & Neufirch / Conradus in
Lehnhaus/ Nicolaus, Parochus Schönauensis, Petrus, Parochus Neukir-
chiensis.

- (b) Tobias Sculteus Jctus, Com. Palat. &c. in Acclamatione gratul. ad
Georgium Rudolphum à Zedlitz &c. Praesidem Ducat. Glogov. inter alia
sic canit:

Turmam Equitum illorum (Zedliciorum) sola propago dedit. Nil
contrà fidem hic dictum esse, antiqua passim confirmant monumenta. In
Cænobio Grissenst, ut alia jam taceam, in sacello quodam prater complures
ex eadem gente viros nobiles sedecim Equites conditos olim fuisse, testantur
literæ Abbatis & totius Conventus Cænobii ejusdem A. C. 1489. data, quarū
mihi est exemplar ex authenticis descriptum. Nomina verò illorum Equitū,
que in laud. jam literis consignantur, sunt: Hyncko, Pancratius, Witigius,
Dietricus, Sigfrid, Bernhardus, Guntherus, Gunzelau, tres Titii, totidem
Henrici, duo Opitii. Caterum produsse ex hac familiā numerosissimam
bellatorum turbam, hoc etiam argumento est, quod A. C. 1349. pralio contrà
fictum Woldemarum Marchionem quatuordecim nobiles è gente Zedliciā
interfuisse scribuntur. Tob. Coberus, prafat. Idea Mil. Christ. Pra cate-
ris celebrandus erat Henricus Zedlicius, qui A. 1488. Ducat. Lignic. Ca-
pitaneus lectu, in profligandis Bohemis, qui Johanni Duci Sagan subsidio
venerant, principuam patriæ tuenda adhibuit operam. Nec tacendus erat
Johan-Georgius à Zedlitz in Stroppen/ Princ. & Statum Silesiæ E-
vangelicorum ad D. Rudolphum Imperatorem, A. 1609. Legatus.

- (c) Petermannus à Zedlitz Boleslai Principis Poloniae & Silesiæ Consiliarius
& Cancellarius, vixit circiter A. C. 1200. Hic brevem de familia suæ ortu
consignationem scripsit, quæ cum aliis archivis in bibliothecis Ottonis &
Ladislai Zedliciorum Eqq. aliorumq, summorum virorum adservata &
reperita fuit, ejus excerpta in multorum manibus esse scio.
- (d) Sigismundus Sigism. Fil. à Zedlitz hereditarius in Neufirch/ cum tri-
bus patrue libus Johanne, Coppone, Nicolao, Constantiam, cum ibi Conci-
lium A. C. 1415. ageretur, inuisit. Idem Monasterium Francisc. Goldber-
genſe, in cujus templo aram extrui curavit insignibus locupletavit donati-
onibus, quas à Capitaneo Regio Svidn. & Jaur. Ducat. publicis literis,
quarum

quarum exemplar descriptum habeo, confirmari curavit. Decessit grandævus admodum, cum jam 110 annum ætatis exegisset.

- (e) Georgius Sigism. F. à Zedlitz in Neufirch ꝛ. geminâ ex uxore suscepit 27. viriusq; sexus liberos, quorum nomina & imagines in sacello quodam templi Neukirchiani junctim depictæ extant. vidit idem, quod in præcipuâ felicitatis parte ponendum, ex filiis plerosq; partim sagatis, partim rogatis officiis dignationibusq; eminere. Excessit annum ætatis 108. animo & corpore rectè vigens, ut in Epitaphio ejus est videre.
- (f) Georgius Geor. F. à Zedlitz Eques Aur. D. Ferdinandi I. Imperat. Cubicularius & supremus minister interioris admissionis. (Oberster Cammerthür-hütter) nec non cohortis pratorianæ in bello Ungarico præfectus.
- (g) Caspar Geor. F. à Zedlitz ꝛ. Duc. Münsterb. & Olsnensis Aula magister & Mareſchallus.
- (h) Wenceslaus Geor. F. à Zedlitz & Neufirch ꝛ. Turma equitum in Ungaria & Illyrico præfectus, Sac. Caf. Majest. nec non Duc. Lignic. & Breg. Consiliarius &c.
- (i) Wenceslaus, Wenceslai F. Geor. N. à Zedlitz & Neufirch in Eichholz ꝛ. Prr. Lignic. & Breg. Contutor, Consiliarius supremus, & Ducat. Lignic. Capitaneus.
- (l) Christophorus Wenc. F. Wen. N. Georg. Pr. à Zedlitz & Neufirch / in Bismowitz ꝛ. Duc. Lign. Consiliarius & Ducat. Capitaneus.
- (m) Sebastianus Geor. F. à Zedlitz & Neufirch in Reichen-Waldam ꝛ. insignis Litteratorum fautor, ipse apprime litteratus. Vidi & legi adolescens magnam copiam Epistolar. latin. quas ejus ætatis viri eruditissimi, præsertim Theologi exteri, ad ipsum dederant.
- (n) Sigismundus Geor. F. L. B. de Zedlitz in Neufirch / Reichen-Waldam ꝛ. D. Rudol: hi II. Imper. Consiliarius intimus, & ad Principes Statusq; Silesia aliquoties Legatus & Orator; nec non Casarea & Regia Camera per Silesiam utramq; Praeses, vir meritis in patriam verè illustris, quem ob spectatissimam prudentiam & gravitatem Valent. Arithmaus Ep. 62. Silesia miraculum appellavit.
- (o) Carolus Sigism. F. Geor. N. L. B. de Zedlitz & Neufirch / in Großkleslaw ꝛ. Sac. Sej. Majest. Consiliarius. Hujus filius Alexander Sigismundus

du L. B. de Zedlitz & Neukirch re. fuit A. C. 1612. Magnificus Rector Acad. Francofurt. v. laudat. Epist. Aaishmai.

(p) Carolus Christophorus Sigism. F. L. B. de Zedlitz & Neukirch in Eragnaw re.

(q) Cunradus à Zedlitz & Wiesensthal in Neukirch re. fuit ultimus è sua gente Dominus Neukirchl, qui locus jam ultra (quinq. secula) Zedlicios agnoverat possessores. Caterum è domo Wiesensthal/Echnhaus proximisq. ad Boberam locis prodierunt non pauci viri præcipuis dignationibus functi, qui à Cunrado Titii filio supra memorato descenderant. Est mihi copia literarum à Præposito quodam Lignicensi A. C. 1463. datarum, in quibus recensentur Wiesensthalii heredes, Petrus, Georgius, Cunradus, cujus filius Johannes & neposejusdem nominis fratre Judicii Regii adsores, cujus dignitatis etiam fuit Fabianus à Zedlitz in Hartsdorf re.


(r) Christophorus à Zedlitz in Siebenbrunn re. Eques. Hic in obsidione Vienna A. C. 1529. in Legione Hardecianâ fuit Signifer, emissusq. à Duce cum manu militum non ita numerosâ ad exploranda hostium castra cum paulo longius progressus ingenti agmine Turcarum cingeretur, primâ in acie consistens acerrimâ pugna ingruentes undiq. armatorum cuneos fortissime sustinuit, obtruncatisq. non paucis & inter eos Hasane Bego Duce, vicendo de lassatus potius quam victus, cum suos à tergo se recipere videret, in hostium tandem pervenit potestatem, & ad Solymannum deductus, intrepide commilitonum suorum robur in superabile jactitavit, & totius Imperii Turcici vires ad Viennam expugnandum nequaquam sufficere palam adseruit. Tyrannus verò in hoste etiam miratus virtutem ipsum benigne habuit, tandemq. obsidione soluta vestibis pretiosis donatum ad suos sine hyro dimisit. Sed cum captivus, detineretur, occulta consilia & machinationes hostium, non sine summo capitis periculo, Ducibus suis per litteras à transugis perlatas indicavit, & sic ad conservationem urbis multum opis & opera consulit, Scævola Romano sine dubio comparandus. Videatur Idea Militis Christiani Tobia Coberi in memoriam hujus rei conscripta.

(s) Jonas à Zedlitz fuit conditor arcis Nimmerstall, ex quâ, uti & vicinis circa fontem & rivum Cassi locis, plures per Silesiam gentis Zedlicae deductæ quon-

quondam sunt colonia, quae non paucos sagatis rogatisq; artibus claros emis-
serunt viros.

- (t) Brandannus à Zedlitz re. Sac. Caf. Majest. Confiliarius, & Ducat. Suidn.
& Jaur. praefectus.
- (u) Georgius Rudolphus à Zedlitz in Brig re. Sac. Caf. Majest. Confil & Du-
cat. Glogov. Praefectus, vir egregie litteratus, litteratisq; imprimis favens:
restatur id proffphonematum libellus à Tob. Sculteto JCo, Com. Palat. &
Consil. Caf. ejus in honorem A.C. 1612. editus. Parens hujus fuit Johannes
à Zedlitz Judicii Regii in Ducat. Glogov. Adfessor.
- (x) Ladislaus à Zedlitz re. Militiae sacrae Cruciger: sive Johann. Eques ejus-
demq; Ord. in Silesia Commendator.

Ceteros potioris existimationis viros Zedlicianâ stirpe ortos, qui vel defuncti,
vel in vivis adhuc praecipuis muneribus, in Suidnic. praesertim & Jaurano
Ducatu, praefecti proavita laudem feliciter propagant, sciens praetereo:
Amplissimam enim gloriam illorum tenuioris ingenii culpâ deserere nolim.
Coronidis loco adjiciam hoc ex proffphonemate Johan. Spechtii I. V. D. &
Ducat. Glogov. Cancellarii ad Georg. Rudolph. à Zedlitz elogium: Agnosci-
mus singulari Dei gratiâ Zedliciorum antiquam stirpem & heroicam
virtutem in Silesia certatim, pra aliis multis, diu muneribus & dignitati-
bus Equitum, Legatorum Confiliariorum, Praefectorum & Praesidum ef-
floruisse, & ob res praclare gestas, Principibus, Regibus, ipsisq; Imperatori-
bus gratos fuisse, adeo ut gloriosissimorum actuum possessio, veluti heredi-
taria quadam successione, etiam cum admiratione exterorum, continuata
sit haecenus invictissimorum Caesarum gratiâ.



In Insignia Zedliciana.

PRisca vetustatis stirps est Zedlicia imago,
Illustres æquans Marte togaq; domos.
Est nivea in clypeo castrensis fibula baltbei:
Sunt alæ in galeâ versicolore duæ.
Scilicet in viclo quos Marte meretur honores,
Pegasus alato fert super astra pede.

Tob. Cob. D.

no. 8. pri. 9.
tor teneatur

hoc rem
act. quidam
a. bene. co

D.

